



世界書局印行

景印
藻堂

四庫全書薈要

史部
第八
編年
類三
冊





本冊目次

書名及撰人	卷次	頁次
御批通鑑綱目五十九卷 宋朱熹撰 尹起莘發明 劉友益書法 元汪克寬考異 王幼學集覽正誤 馮智舒質實 諸家所著各自爲書至黃仲昭始彙於逐條之下 清聖祖仁皇帝就之御批刊行	卷四十四上至卷五十九	一六九—一

欽定四庫全書薈要

史部
御批通鑑綱目卷四十四上

詳校官編修臣汪鏞

欽定四庫全書薈要卷七千三百六十二 史部

御批資治通鑑綱目卷四十四上

起戊子唐玄宗天寶七載凡十一年
盡戊戌唐肅宗乾元元年

載夏四月以高力士為驃騎大將軍

士承恩歲久中外畏之太子亦呼之為兄諸王公
呼之為翁駙馬輩直謂之爺自李林甫安祿山輩皆
因之以取將相然性和謹少過不敢驕橫故天子終
親任之士大夫亦不疾惡也初上自東都還李林甫
牛仙客知上厭巡幸乃增近道粟賦及和糴以實關
中數年蓄積稍豐上謂力士曰朕不出長安近十年
天下無事朕欲悉以政事委林甫何如對曰天子巡
狩古之制也且天下大柄不可假人彼威勢既成誰

欽定四庫全書

御批通鑑綱目
卷四十四上

敢復議之者上不悅力士頓首謝罪上意乃解力士
自是亦不敢深言天下事矣胡氏曰力士雖曰恭謹
然其罪亦大矣力士審能為明皇忠計者密主張九
齡而去李林甫佐佑王忠嗣而去安祿山論功較績
夫孰與議既不能然反使安李因己以取將相他日
雖有大柄假人擁兵太重之說亦安能回二人已盛
之勢哉不謹於大而謹於小知所以保身而不知所
以保國此固小人之事於力士何責焉以當時得譽
於士大夫而無疾惡質實東都注見秦莊襄王元年
之者故不可不辨也
年長安縣名注見漢惠帝五年
巡狩注見隋煬帝大業六年

五月羣臣上尊號○賜安祿山鐵券質實
鐵券注見漢高帝十二年

丹書
鐵券

書法

漢為功臣鐵券不書此何以書譏寵過也祿山之反帝之寵過實啟之書鐵券始此終綱

目書鐵券三是在安祿山德宗興元二年李懷光昭宗龍紀二年王行瑜皆終反者也

○以楊釗判度支事考異

據後書貴妃從兄釗此考證

楊以

釗當作以貴妃兄楊釗。謹按唐自高宗以後數十年間載罹女禍明皇以英武之資親定內難何乃昧於近監復蹈聚麀之恥而天下大亂貴妃與則天傷人倫之教無相遠者幸而貴妃與楊釗不及則天諸武故內患小而易去祿山大過昌宗易之故外患大而難平雖平之唐室由是日微矣綱目書貴妃姊為夫人故又當加貴妃兄於楊釗之上

釗善窺上意所愛惡而迎之以聚斂驟遷歲中領十五使恩幸日隆蘇冕曰設官分職各有司存政有恒用昭遠監於方來也

欽定四庫全書

御批通鑑綱目

二

而易守事歸本而難失經遠之理捨此奚據洎姦臣廣言利以邀恩多立使以示寵使上心蕩而益奢人情怨而成禍宇文融首唱其端楊慎矜王鉷繼遵其軌楊國忠終成其亂仲尼云寧有盜臣而無聚斂之臣誠哉是言矣

冬十一月以貴妃姊為國夫人考異

姊上當有諸字或三字

貴妃姊三人皆有才色上呼之為姨出入宮掖並承恩澤勢傾天下至是封韓號秦國夫人與鉅錡五家凡有請託府縣承迎峻於制敕四方賂遺惟恐居後上所賜與五家如一競開第舍極其壯麗一堂之費動踰千萬既成見他人有勝已集覽韓號秦三州名者輒毀而改為號國尤為豪蕩韓注見高祖武德八年號注見宋文帝元嘉十二年

辛泰注見漢光武建武元年天水

書法

書封后女弟有之矣呂頤元入妻未有書妃姊者也書封妃姊帝之寵溫甚矣

改會昌縣曰昭應

或言玄元皇帝降于華質實會昌縣注見漢成帝鴻清宮之朝元閣故也

見天寶六載朝元閣按一統志在西安府臨潼縣東南二里驪山上唐建遺址尚存

發明

書無道之世其政事施設無非舛舛然沒而不

高力士為驃騎則見其尊用官者書羣臣上尊號則見其淫侈自居書賜安祿山鐵券則見其寵信蕃人書楊釗判度支則見其任小人而窮聚斂書貴妃姊為國夫人則見其寵女謁而輕名器書改會昌縣曰昭應則見其信妖人而事神怪夫以一歲之間略無一善可書則餘歲從可知矣故凡易

欽定四庫全書

御批通鑑綱目

三

十二月哥舒翰築神威軍應龍城

治而亂轉安而危是宜一朝一夕之積玄宗自恃太平委政林甫養成天下之亂一敗塗地其禍至於唐亡而未已綱目特書屢書蓋亦有不獲已焉耳蓋亦有不容已焉耳

由是吐蕃不質實青海注見漢和帝永元十四年西敢近青海

年八

書法

此城而吐蕃不敢近青海則翰之功多矣故

稱名以臣築城一也有以功書者張仁愿築三受降城中宗景龍二年翰築應龍城是年高駢築羅城僖宗乾符三年是也有以仇書者溫城積所晉哀帝興寧元年知詰城金陵五代唐癸巳年是也

美惡不嫌同辭

雲南王歸義死考異

提要死質實雲南郡名注見漢武帝元狩元年滇

子閻羅鳳嗣

已丑八載春二月帥羣臣觀左藏賜楊釗金紫考異帥上漏帝

是時州縣殷富倉庫積粟帛動以萬計釗請令羅變為輕貨輸京師屢奏帑藏克初古今罕傳故上帥羣臣觀之賜釗紫衣金魚上由集覽紫衣金魚高祖初是視金帛如糞壤賞賜無限給隨身魚袋三品以上賜紫則給金魚五質實左藏注見代宗大曆十品以上賜緋則給銀魚四年京師注見周顯王

欽定四庫全書

御批通鑑綱目卷四十四上

二十五年克初注見宋明帝太始元年

書法

凡書觀譏也自觀左藏而帝之侈心益張矣終綱目書觀十詳漢武帝元鼎元年書賜服

二詳周顯王五年皆譏也舍是無書觀者矣舍是無書賜服者矣

發明

財聚則民散財散則民聚玄宗非甚昏情者然見貨賄而悅非特有愧於不殖貨利之君

亦獨不思何自而得乎書帥羣臣觀左藏賜楊釗金紫是國以利為利而不以義為利也雖欲不亡

胡可得乎

夏四月殺咸寧太守趙奉璋

奉璋告李林甫罪二十條未達林甫諷御史逮捕以為妖言杖殺之胡氏曰自古殺忠諫者必亡人君以

此猶亡其國宰相以此豈不亡其家與身乎然奉璋官非諫臣職非御史出位而言其死自取之也質

實咸寧郡名未詳沿革

五月停折衝府上下魚書

先是折衝府皆有木契銅魚朝廷徵發下敕書契魚都督郡府參驗皆合然後遣之自募置驍騎府兵日壞死亡不補器械耗散略盡府兵入宿衛者謂之侍官言其為天子侍衛也其後本衛多以假人役使如奴隸長安人羞之至以相詬病其戍邊者又多為邊將苦使利其死而沒其財由是應為府兵者皆逃匿至是無兵可交李林甫遂奏停折衝府上下魚書是後府兵徒有官吏而已驍騎之法天寶以後稍亦變廢應募者皆市井負販無賴子弟未嘗習兵時承平日久議者多謂中國兵可銷於是民間挾兵器者有

欽定四庫全書

御批通鑑綱目卷四十四上

禁子弟為武官父兄擯不齒猛將精兵皆聚於西北邊中國無武備矣集覽相詬病妄

常以儒相詬病注詬病猶恥辱也詬音邁又呼候反擯不齒擯斥也不齒注見開元二年質實折

府注見開元十年府兵注同上年驍騎注同上十三年市井注見漢順帝陽嘉三年臣生自草茅

書法

府兵至是盡廢矣故終志之

發明

天下雖安忘戰必危故古人蒐苗獮狩寓兵於農所以當無事而為有事之防也府兵太

宗之善制子孫不能修弊補廢振而起之一變於張說而其制大壞至是無兵可交況驍騎之法又

變是舉天下之大無一人以將之也書停折衝府上下魚書其為弛備不亦甚乎

六月加聖祖及諸帝后號諡

太白山人李渾等上言見神人言金星洞有玉板石
記聖主福壽之符命玉鉉求獲之上以符瑞相繼上
聖祖號曰大道玄元皇帝高祖諡曰神堯太宗曰文
武高宗曰天皇中宗曰孝和睿宗曰玄宗帝曰大聖
皇帝后曰順聖皇后范氏曰堯舜禹湯文武之君諡
號惟一而已既稱天以誅之則子孫不可得而改也
高宗不師古昔始改祖宗舊諡天寶以後增加復重
至繁而不可紀夫祖宗苟有高世之功德則曰文曰
武足矣若其無功德而子孫妄加之則是誣之而使
天下後世以為譏玩也故孝子慈孫之欲顯其親莫
若使名副其實而不浮則天下心服之矣未集覽
以諫之注見秦始皇二十六年使名副其實而不浮
記表記篇先王諡以尊名恥名之浮於行也注諡者
行之迹名聲譽也言先王論行以為諡以尊名者使
聲譽可得而尊言也在上曰浮君子勤行成功聲譽

質實

太白山按一統志在西安府武功縣南
九十里山極高上常積雪望之皓然諺
云武功太白去天三百山下軍行不得鳴鼓角鳴則
疾風暴雨立至上有洞即道書所謂第十一洞天也

發明

加諡之非論者多矣然唐史及通鑑皆備載
之至綱目一切削去止書廟號獨高祖書神
堯太宗書文武玄宗書明皇而已此固綱目筆削
之深意不以無謂之浮名淆亂於方冊之間者也

哥舒翰攻吐蕃石堡城拔之集覽

石堡城注見
開元十七年

哥舒翰帥兵六萬攻吐蕃石堡城其城三面險絕惟
一徑可上吐蕃但以數百人守之貯糧食積木石唐
兵前後屢攻之不能克翰進攻數日不拔召裨將高
秀巖張守瑜欲斬之二人請三日期拔之士卒死者
數萬頃之翰又遣兵於赤嶺西開屯田以質實
諒卒二千戍應龍城吐蕃大集戍者盡沒質實注見

高宗龍
朔三年

書法

信安王諱嘗復石堡矣書曰攻吐蕃拔石堡
城雖不書復而城固唐城也於董延光書曰

攻吐蕃石堡城不克於哥舒翰書曰攻吐蕃石堡
城拔之繫石堡於吐蕃何也石堡一城得之未足
以制敵不得亦無害於國繫石堡於吐蕃所以見
其不必爭也翰能得之士卒死者猶數萬則不克
者又可知矣以一彼一此之城而每指數萬人以
爭之仁者不為也繫石堡於吐蕃綱目之意微矣

羣臣請加尊號

凡十
二字

發明

唐人至無謂者莫甚於加尊號之事然前史
猶載其所上之號曰開元天地大寶聖文神

武應運皇帝至綱目止書羣臣請加尊號而不著
其詞者正以淫名無實故特削之耳或者顧謂綱
目之於通鑑失之節略豈不

過哉自後加尊號者皆倣此

始禘於太清宮質實

禘祭名注見漢
平帝元始五年

九載春正月羣臣請封西嶽許之質實

西嶽注見周
安王十五年

華秦

二月以姚思藝為檢校進食使

時諸貴戚競以進食相尚上命宦官姚思藝為檢校
進食使水陸珍羞數千盤一盤費中人十家之產

集覽

珍羞禮天官膳夫羞用百有二十品珍用八物
注羞出於牲及禽獸以備滋味謂之庶羞而品

味未得盡聞八珍注
見高祖武德九年

書法也非事也非名

發明也非事也非名

必重為侈靡而暴殄天物哉明皇以一口腹之微
至於水陸珍羞列數千盤一盤費中人十家之產
而又置使以領之自以為能享玉食之奉也未幾
祿山反叛出次咸陽距宮闕不四里日中猶未
得食僅有民獻糲飯雜以豆麥皇孫輩爭以手掬
須臾而盡猶未能飽又命軍士散詣村落求食當
是之時回顧前日珍羞果安在哉乃知古人不求
侈靡所以長有珍羞明皇過求侈靡遂至不能保
其所有網目時書以姚思藝為檢校進食使蓋前

欽定四庫全書

御批通鑑綱目

卷四十四上

所未有而明皇窮極奢侈專意口腹之欲
則亦不言自見矣欲免糲飯之乞得乎

關中旱西嶽祠災制罷封祀質實

西嶽祠按一統志在
西安府華陰縣東五

里祠有唐玄宗所製華山
碑在焉國朝載在祀典

書法也制罷封祀何譏也封泰山非也封西嶽益非

以星孛罷高宗詔封泰山以有疾罷玄宗許封西
嶽以祠災罷綱目歷歷書之所以譏也終綱目書
罷封三詳貞觀二十一年
停封一貞觀二十一年

夏四月流宋渾於潮陽質實

潮陽按一統志本漢海
陽縣地晉始置潮陽縣

屬義安郡以在大海之北故名隋屬潮州唐永徽初省
天寶初復置宋元俱仍舊本朝因之改屬潮州府

初吉溫因李林甫得進及楊釗恩遇浸深溫遂去林
甫而附之為畫代林甫執政之策御史中丞宋渾林
甫所厚也求得其罪使釗奏而逐
之以剪其心腹林甫不能救也

五月賜安祿山爵東平郡王質實

東平郡注見漢
獻帝興平元年

唐將帥封
王自此始

書法

漢興初賜爵止左庶長宣帝以後皆侯矣唐
於是而繼書祿山濫已甚矣終唐之世書賜爵王
者八敬暉等安祿山僕因懷恩郭子儀李元忠郭
昕韋皋楊行密武
士穀追賜不與焉

秋八月以安祿山兼河北道採訪處置使質實

河北道
注見漢

欽定四庫全書

御批通鑑綱目

卷四十四上

九

成帝綏和二年魏郡○求殷周漢後廢韓介鄒公

處士崔昌上言國家宜承周漢以土代火魏周隋皆
閏位不當以其子孫為二王後事下公卿集議集賢
院學士衛色上言集議之夜四星聚於尾天意集覽
昭然上乃命求殷周漢後為三恪廢韓介鄒公
國家宜承周漢周木德漢火德故木生火今唐得土
德以土代火宜矣魏周隋皆閏位林駟至論曰自魏
至隋皆非正統不足繼漢故崔昌議去而不用夫自
魏至隋皆不足繼漢則繼漢者唐也魏周隋皆非命
之運如歲月之餘分為閏也又秦為閏位注見漢昭
烈帝章武元年三恪左傳襄二十五年鄭子產曰昔
虞閏父為周陶正我先王以其神明之後也庸以元
女配胡公而封諸陳以備三恪注闕父舜之後元女
武王之長女胡公閔父之子滿也周得天下封夏後
於杞殷後於宋又封舜後謂之恪凡三王後為三國

其禮轉隆示敬而已故曰三恪韻會載古容字皆讀如恪三恪如孔叢子禮之如賓客也玄宗初以魏周隋後為三恪取其近世今乃求殷周漢後質實注見為三恪韓介鄴初封魏周隋之後三國名質實注見周報王元年韓介鄴三國名韓注見高祖武德八年介注見晉惠帝元興元年介休鄴注見隋恭帝義寧二年

冬十月得妙寶真符

山人王玄翼上言見玄元皇帝言寶僊洞有妙寶真符命張均等求得之時上尊道教慕長生故所在爭言符瑞李林甫等皆請捨宅為觀以祝聖壽上悅范氏曰秦始皇漢武帝皆雄才之主乃為方士所欺玩無異於嬰兒人君惟恭儉寡欲則邪詭無自而入矣其心一有所蔽鮮不為惑也明皇不正其心故小人

欽定四庫全書

御批通鑑綱目
卷四十四上

十一

爭為幻以惑之其神明精爽質實寶仙洞莫詳處所既奪矣此所以養成大亂也按一統志吉安府永新縣東二十五里石灰山有寶僊洞洞內有石天窻石羅漢石觀音又有石鼓擊之有聲後有石龍噴泉又有後洞深長踰半里有石房石牀等類及有石乳石燕其石色白而細邑人皆鑿取為灰隨鑿而隨合此洞未知是否姑錄之以備參考焉

書法

寶符藏符不書此何以書識惑也田崔之詐人能言之帝亦知之是可以悟矣再而至三

反有真符之得焉符豈果真乎哉甚矣帝之難悟也帝之惑至是有不可得而捨者矣故特書識之發明唐興至是已百餘載使老氏果有其神何不見於武德貞觀永徽開元之間而獨見之天寶末年乎書得妙寶真符其誣罔妖妄尤可恥也

安祿山入朝

祿山屢誘奚契丹飲以葭酒醉而阮之勳數千人函首以獻前後數四至是請入朝上命有司先為起第於昭應祿山至戲水楊釗兄弟姊妹皆往迎之上幸望春宮以待之祿山獻奚俘八千人上命考課之日書上上考前此聽祿山於上谷集覽葭酒葭草鑄錢五壚祿山乃獻錢樣千緡名用以釀酒本草葭質實奚契丹東胡別種注見審若子味苦甘寒有毒質實宗太極元年昭應縣名注見漢成帝鴻嘉元年新豐戲水注見秦二世二年望春宮按一統志在西安府城東南一十二里瀝水西岸隋文帝所建煬帝改曰長樂宮上谷郡名注見秦王政三年

制追復張易之兄弟官爵

欽定四庫全書

御批通鑑綱目
卷四十四上

十一

楊釗張易之之甥也奏乞雪易之兄弟制引易之質兄弟迎中宗於房陵之功復其官爵仍官其子

實

房陵縣名注見漢獻帝建安二十四年

發明

易之濁亂宮闈不啻墻茨之醜既行誅削付乃祖之惡耳直筆

書之可媿甚矣

賜楊釗名國忠

釗以圖識有金質實圖識注見漢平刀請改之也

書法

書賜名何譏不踐其名也賜名不書據崔旰重順賜名弘敬韓雄賜名日華王延賞賜名虔休何

嗚沒斯賜名思忠並不書甚惡甚美書書國忠書

正已書寶臣書國昌書全忠書贊華其惡也書茂昭書弘正其美也非是不書書賜名始此終綱目書賜名五楊國忠李正已張茂昭田弘正朱全忠書賜姓三妻敬徐世勣羅藝書賜姓名三李寶臣李國昌李贊華不書賜書削奪一宋文通賜名李茂貞不書賜書復其姓名一李紹貞復姓名霍彥威

南詔反陷雲南郡

楊國忠德鮮于仲通薦為劍南節度使仲通性褊急失蠻夷心故事南詔常與妻子俱謁都督過雲南太守張虔陀皆私之又多所徵求南詔王閣羅鳳實怨發兵反攻陷雲南殺虔陀取夷州三十二南詔西南夷國名注見開元二十六年

欽定四庫全書

御批通鑑綱目

卷四十四上

十三

十載春正月免駙馬程昌裔官

楊氏五宅夜遊與廣平公主從者爭西市門楊氏奴揮鞭及公主衣公主墜馬昌裔下扶之亦被數鞭公主泣訴於上上為之杖殺楊氏質實廣平縣名注見奴明日免昌裔官不聽朝謁

為安祿山起第於親仁坊

命有司為安祿山起第於親仁坊教令但窮壯麗不限財力令中使護作教之曰胡眼大勿令笑我祿山置酒新第上命宰相赴之曰遣諸楊與之遊宴祿山生曰上及楊妃賜予甚厚後三日召入禁中貴妃以錦繡為大襪祿裏之使宮人以絲與昇之上聞問故左右以貴妃洗祿兒對上賜貴妃洗兒金銀錢復厚

賜祿山盡歡而罷自是祿山出入宮掖通宵不出頗有醜聲聞於外上亦不疑也范氏曰明皇不信其子而寵胡人以為戲至使出入宮禁而不疑喪慢神器亦極矣豈天奪其明將啟神州之陸沈歟何其惑之甚集覽神師曰易曰聖人之大寶曰位是已質實使矣注見開元十五年禁中注見宋孝武帝

大明六年祿祿注見漢陽帝延平元年

書法

梁冀嘗書賜甲第矣此則曷為以起第書譏帝命窮極壯麗也臺觀書起宮廟之高者書起於是未有書其地者書於親仁坊何譏也擇里處仁帝蓋有識矣仁者固如是乎書於親仁坊所以甚帝之不知人也終綱目書賜第二漢桓帝元嘉元年

是年皆譏也譏莫甚於此矣魏徵第書贖賜不與焉憲宗元和四年

欽定四庫全書

御批通鑑綱目

卷四十四上

十三

高僊芝入朝加開府儀同三司

初吐火羅葉護遣使表稱竭師王親附吐蕃困苦小勃律詔發安西兵討之僊芝遂破竭師虜其王又偽與石國約和引兵襲之虜其王及部眾以歸掠得瑟瑟十餘斛黃金五六索馳皆入其家至是入朝獻俘加開府儀同三司尋以僊芝為河西節度使代安思順思順諷諸蕃割耳勢面請留已制復留之集覽竭師西域國名竭立列反瑟瑟最好者一顆易一良馬杜甫詩雨多往往得瑟瑟注益州城西每質實吐火域國名注見太宗貞觀十六年安西郡名注見高宗永淳元年吐蕃西羌種名注見太宗貞觀八年索驪獸名注見漢武帝太初三年河西郡名注見漢安帝元初元年

以安祿山兼河東節度使

戶部郎中吉溫見祿山有寵約為兄弟說祿山曰李丞相雖以時事親三兄必不肯以兄為相兄若薦溫於上溫即奏兄堪大任共排林甫出之為相必矣祿山悅其言數稱溫才於上會祿山領河東因奏溫為副使知留後以大理司直張通儒為判官委以軍事林甫與祿山語每揣知其情先言之祿山驚服每見雖盛冬常汗霑衣林甫引與坐於中書廳撫以溫言自解披袍以覆之祿山忻荷言無不盡謂林甫為十郎既歸范陽劉駱谷每自長安來必問十郎何言得美言則喜或但云語安大夫須好檢校即反手據牀曰噫嘻我死矣胡氏曰祿山之憚林甫者以林甫智術足以御之也若林甫明以祿山兵多勢大將生變亂開悟上意移之他鎮消未然之患則身雖多罪亦有可贖乃姑欲示以精神脇以氣勢使之畏已而已

欽定四庫全書

御批通鑑綱目

卷四十四上

十四

其罪可勝言哉○祿山既兼領三鎮日益驕恣自以曩時不拜太子見上春秋高頗內懼又見武備墮弛有輕中國之心孔目官嚴莊掌書記高尚因為之解圖識勸之作亂祿山養同羅奚契丹降者八千餘人謂之曳落河曳落河者蕃言壯士也皆驍勇善戰一可當百又畜戰馬數萬匹分遣商販驚諸道歲入數百萬以尚莊通儒及將軍孫孝哲為腹心史思明安守忠李歸仁蔡希德牛廷珣向潤容李庭望崔乾祐尹子奇何千年武令珣能元皓田承嗣田乾真阿史那承慶為爪牙尚本名不危頗有辭學薄遊河朔貧困不得志常歎曰高不危當舉大事而死豈能齧草根求活邪祿山引置幕府出入卧内尚典奏莊治簿書承嗣為前鋒兵馬使治軍嚴整嘗大雪祿山按行諸營至承嗣營寂若無人入問士卒無一人不在者祿山集覽能元皓能質實河東道名注見漢獻以是重之集覽姓也音奈質實帝建安七年范陽郡

名注見漢帝玄更始二年涿郡河朔二州名河注見晉穆帝永和元年朔注見漢高帝六年馬邑幕府注見泰王政三年三鎮謂范陽平盧河東三道藩鎮田承嗣盧龍人

夏四月劍南節度使鮮于仲通討南詔蠻敗績制復募

兵以擊之考異

討當考證討當作擊

仲通將兵八萬討南詔南詔王閣羅鳳遣使謝罪請還所俘掠城雲南而去仲通不許因其使進軍至西洱河與戰大敗士卒死者六萬人仲通僅以身免楊國忠掩其敗狀仍叙其戰功閣羅鳳遂北臣於吐蕃吐蕃號曰東帝閣羅鳳刻碑於國門言已不得已而叛唐且曰我世世事唐受其封賞後世容復歸唐當指碑以示唐使者知吾之叛非本心也制募兵以擊之人聞雲南多瘴癘莫肯應募楊國忠遣御史分道

欽定四庫全書

御批通鑑綱目

卷四十四上

十五

捕人枷送軍所舊制百姓有勲者免征役國忠奏先取高勲於是行者愁怨父母妻子送之所在哭聲振野集覽西洱河注見隋文帝開皇十七年

高僊芝擊大食敗績

高僊芝之虜石國王也石國王子逃詣諸告僊芝欺誘貪暴之狀諸蕃皆怒潛引大食欲共攻四鎮僊芝將兵三萬擊之深入七百餘里與戰大敗士卒死亡略盡將軍李嗣業勸僊芝宵遁別將段秀實詔之曰避敵先奔無勇也全已棄衆不仁也幸而得達獨無愧乎嗣業執其手謝之留拒追兵收散卒得俱免還至安西言於僊芝以秀實質實大食西域國名注兼都知兵馬使為己判官質實見開元三年四鎮注見高宗永淳元年李嗣業高陵人段秀實汧陽人

秋八月武庫火質實武庫注見漢景帝三年

燒兵器三十七萬

書法於是祿山已蓄異志而武庫遽火燒兵器三十七萬書曰火人為之也終綱目武庫書火

三書災一詳漢安帝元初四年舍是無書武庫火災者矣

發明天火曰災人火曰火是時祿山兼領三鎮已蓄異志武庫之火安知非祿山為之不然何以直書火而

不言其故乎

安祿山討契丹大敗考異討當考證

安祿山將三道兵六萬以討契丹以奚騎二千為鄉導過平盧千餘里遇雨弓弩筋膠皆弛奚復叛與契

欽定四庫全書

御批通鑑綱目

卷四十四上

十六

丹合夾擊唐兵殺傷殆盡祿山獨與麾下二十騎走入師州歸罪於左賢王哥解兵馬使魚承儀而斬之平盧兵馬使史思明懼逃入山谷祿山還至平盧麾下皆亡史思明出見祿山祿山喜執其手曰吾得汝復何憂思明退謂人曰曩質實契丹北蕃部落注見使早出已與哥解并斬矣晉安帝義熙二年平盧鎮名注見代宗廣德十一年麾下注

發明南詔而敗僊芝擊大食而敗祿山討契丹而敗則是初未嘗有寸功也夫以三敗計之士卒死者十四五萬眾驅無罪之民死於鋒鏑以至於此猶欲喜事邊功而不已乎詳而書之其禍著矣

冬十一月以楊國忠領劍南節度使

壬十一載春二月以粟帛庫錢易惡錢

先是江淮多惡錢貴戚大商往往以良錢一易惡錢五載入長安市井不勝其弊故李林甫奏請禁之官為易取期一月不輸官者罪之於是商賈不以為便遮楊國忠馬自言國忠為言於上乃更命非鉛錫所鑄及穿穴者皆聽用之

三月安祿山擊契丹

祿山擊契丹欲以雪去秋之羞初突厥阿布思來降上厚禮之賜姓名李獻忠累遷朔方節度副使賜爵奉信王獻忠有才略不為安祿山下祿山恨之至是奏請獻忠俱擊契丹獻忠恐為祿山所害乃帥所部叛歸漠北祿山質實突厥北狄種名注見梁武帝大遂頓兵不進同十一年朔方郡名注見漢武

欽定四庫全書

御批通鑑綱目

卷四十四上

十七

帝元朔元年漢北沙漠之北注見漢獻帝建安二十五年

改吏兵刑部為文武憲部○夏戶部侍郎京兆尹王鉞伏誅

鉞權寵日盛領二十餘使宅旁為使院文案盈積吏求署一字累日不得前雖李林甫亦畏避之然鉞事林甫謹林甫雖忌其寵不忍害也鉞弟戶部郎中鉞山險不法召術士任海川問我有王者之相否海川懼亡匿鉞恐事泄捕得托以他事杖殺之王府司馬韋會話之私庭鉞又使長安尉賈季鄰收繫殺之鉞所善邢綽與龍武萬騎謀作亂有告之者上以告狀面授鉞使捕之鉞意鉞在綽所先遣人召之曰晏乃命季鄰等捕綽綽帥其黨格關會高力士引禁軍至擊斬綽捕其黨皆擒之國忠白上鉞必預謀上以鉞

任遇深不應同逆李林甫亦為之辨解上乃命特原
鉞不問使國忠諷表請罪之鉞不忍上怒會陳希
烈極言鉞大逆當誅敕希烈與國忠鞠之仍以國忠
兼京兆尹於是任海川韋會等事皆發獄具鉞賜自
盡鉞杖死於朝堂有司籍其第舍數日不能徧鉞實
佐不敢窺其門獨采訪判官裴冕收其尸葬之范氏
曰夫利百物之所生而天地之所以養人也專之必
壅壅則所害者多故君子不盡利以遺民所以均天
地之施也聖王寧損己以益人不損人而益己記曰
與其有聚斂之臣寧有盜臣是以興利之臣鮮不禍
敗自桑弘羊以來未有令終者也必若公劉之厚民
管仲之富國李悝之平糶耿壽昌之常平不為培克
上下皆濟則身享其榮後嗣蒙其慶
集覽 韋何旰反
矣吉凶禍福之效如此可不戒哉
私庭韋會於私居庭中說任海川被殺之因
綽作代反龍武萬騎龍武與萬騎兩軍之號
安

欽定四庫全書

御批通鑑綱目
卷四十四上

十六

縣名注見漢惠帝五年京兆郡名注見開元十一年
裴冕河東縣人桑弘羊洛陽人漢武帝時領大司農
管天下鹽鐵作平準法賜爵左庶長公劉后稷之曾
孫也能復修后稷之業務耕種民以富實乃相土地
之宜而立國於豳之谷焉管仲注見宋孝武帝大明
二年李悝注見漢平帝元始三年耿壽昌漢宣帝時
為大司農中丞奏設常平倉增價而糴減
價而糴以利農百姓便之後賜爵關內侯

書法

唐得天下百三十六年矣京兆尹未有書者
於是始見則以伏誅書鉞其人也鉞之罪奈

何窮聚斂以逢君鉞之罪也故自天寶以來皆書
殺書誅者鉞而已然則自王鉞外帝之用刑亦多
濫矣

發明

林甫屢起大獄死者不可勝數而王鉞之罪
乃反為之辨解何哉彼其窮聚斂以毒民任

私意以專殺因事而死蓋亦天
殛之耳故特書伏誅以正其罪

以安思順為朔方節度使

初李林甫以陳希烈易制引為相政事常隨林甫左
右晚節遂與林甫為敵林甫懼會李獻忠叛林甫乃
請改朔方節制且薦河西節
度使安思順自代故有是命

五月以楊國忠為御史大夫京畿採訪使

初李林甫以國忠微才且貴妃之族故善遇之國忠
以林甫薦王鉞為大夫不悅遂深探邢綽獄令引林
甫交私事狀陳希烈哥舒翰從而證之上由是疎林
甫擢國忠為大夫凡鉞所領使務皆歸之國忠貴震
天下始與林
甫為仇敵矣

欽定四庫全書

御批通鑑綱目
卷四十四上

十九

秋八月上復幸左藏考異

上當考證
作帝

楊國忠奏有鳳凰見左藏屋出納判官魏仲屏見之
遂以仲屏為殿中侍御史國忠屬吏率以鳳凰優得
調
質實 鳳凰格物論云神鳥也鴻前而麟後蛇頭而
鳳五色備舉出君子之國見
則天下安寧飛則禽鳥隨之

冬十一月李林甫卒考證

卒當

南詔數寇邊蜀人請楊國忠赴鎮林甫奏遣之國忠
將行泣言必為林甫所害上曰卿暫到蜀區處軍事
朕屈指待卿還當入相林甫時已有疾憂懣不知所
為國忠至蜀上遣中使召還至昭應謁林甫拜於牀
下林甫流涕謂曰林甫死矣公必為相以後事累公
國忠謝不敢當汗流覆面林甫遂薨上晚年自恃承

平以為天下無復可憂遂深居禁中專以聲色自娛
悉委政事於林甫林甫媚事左右迎合上意以固其
寵杜絕言路掩蔽聰明以成其姦如賢嫉能排抑勝
己以保其位屢起大獄誅逐貴臣以張其勢自皇太
子以下畏之側足凡在相位十九
年養成天下之亂而上不之寤也

發明

林甫窮凶極惡綱目削去其官亦足以盡其
罪乎曰未也林甫迷國誤朝養成天寶之亂
法當誅死然綱目特書其卒者所以著明皇護養
姦回使之獲保首領死於牖下之失爾削官豈足
以盡其
罪哉噫

以楊國忠為右相兼大司馬尚書

國忠為人強辨而輕躁無威儀既為相裁決機務果
敢不疑攘袂扼腕公卿以下顧指氣使莫不震懼凡
欽定四庫全書
御批通鑑綱目
卷四十四上

領四十餘使臺省官有時名不為己用者皆出之或
勸陝郡進士張彖謁之彖曰君輩倚楊右相如泰山
吾以為冰耳耳若皎日既出君輩質實
輩得無失所恃乎遂隱居嵩山
山注見秦始皇二十八年嵩
山注見中宗嗣聖十二年

以吉溫為御史中丞

楊國忠薦之也溫詣范陽辭安祿山祿山令其子慶
緒送至境為溫輕馬出驛數十步溫至長安凡朝廷
動靜輒報祿
山信宿而達

哥舒翰安祿山安思順入朝

翰素與祿山思順不協上常和解之使為兄弟至是
俱入朝上使高力士宴之於城東祿山謂翰曰公與

我族類頗同何得不相親翰曰古人云狐向窟嗥不
祥為其志本故也兄苟見親翰敢不盡心祿山以為
其讖已也大怒罵翰曰哭厥敢爾翰欲
應之力士目翰乃止自是為怨愈深

癸巳十二月載春正月楊國忠注選入於都堂

國忠欲收人望建議文部選人無問賢不肖選深者
留之依資據闕注官滯淹者翕然稱之凡所施置皆
曲徇時人所欲故頗得眾譽故事兵吏部尚書知政
事者選事悉委侍郎以下三注三唱仍過門下省審
自春及夏乃畢至是國忠欲自示精敏乃遣令史先
於私第密定名闕召左相陳希烈及給事中諸司長
官皆集尚書都堂唱注一日而畢曰今左相給事中
俱在座已過門下矣其間資格差謬甚眾無敢言者
於是門下不敢過官侍郎但掌試判而已京兆尹鮮
于仲通諷選人請為國忠刻頌立於省門制仲通撰
其辭上為改定數集覽
過門下省審悉井反高宗
字仲通以金填之
時定銓注法始集而試已試
而銓已銓而注已注而唱集眾告之然後類以為甲
先簡僕射乃上門下給事中讀侍郎省侍中審之不
當者駁下
謂之過官

書法

於都堂何譏專也於是國忠以右相兼文部
遂於都堂唱注而召集左相給事中在座以
奪其省審之權則專
甚矣故直書譏之

二月追削李林甫官爵剖其棺

楊國忠說安祿山使阿布思部落降者詣闕誣告李
林甫與阿布思謀反上信之下吏按問林甫壻諫議
大夫楊齊宣懼為所累證成之時林甫尚未葬制削
官爵子孫皆流嶺南黔中近親及黨與坐貶者五十

餘人剖棺抉含珠襦金紫更以小棺如庶人禮葬集
之賜希烈國忠爵許魏國公賞其成林甫之獄也
覽阿布思哭厥西葉護之名天寶元年來降扶含珠
瑞共含玉襦金紫襦丑爾反質實嶺南道名注見秦
奪衣也剝去其金魚紫衣始皇三十三年南
海黔中郡名注見周顯王七年許魏二州名許注見
漢光武建武八年許昌魏注見漢成帝綏和二年魏
郡

書法

書剖其棺何甚國忠也林甫有罪綱目於其
卒也削其爵矣此則局為甚之國忠以謀反
誣林甫非其罪也故林甫信可罪罪以反而剖其
棺則甚矣綱目書戮棺三詳漢平帝元始五年

發明

玄宗信用林甫至十九年之久使其移此以
用宋璟韓休張九齡亦何不可之有當其在

欽定四庫全書

御批通鑑綱目
卷四十四上

三

位既任以腹心迨其死也乃始加誅責何哉且夫
林甫之罪死有餘辜若誣以謀反則亦非其實矣
故書削爵剖棺而不
書其罪反以譏之也

夏五月復以魏周隋後為三恪

楊國忠欲攻李林甫之短
故也衛包崔昌皆坐貶官

秋八月以哥舒翰兼河西節度使

祿山以李林甫狡猾踰已故畏服之及楊國忠為相
視之蔑如也由是有隙國忠屢言祿山有反狀上不
聽隴右節度使哥舒翰擊吐蕃拔洪濟大莫門等城
悉收九曲部落國忠欲厚結翰與其排安祿山奏以
翰兼河西節度賜爵西平郡王是時中國盛強自安
遠門西盡唐境凡萬二千里間閭相望桑麻翳野天

下稱富庶者無如隴右翰每遣使集覽九曲河西地
入奏常乘白索馳日馳五百里名屬鄯州初
以金城公主嫁吐蕃遂以其地為公主湯沐邑質實
吐蕃因就畜牧自是復叛今哥舒翰悉取其地
西平郡注見漢宣帝元康四年
湟中閭閻注見昭宗天復二年

冬十月帝如華清宮

楊國忠素與虢國夫人通至是往來無度或並轡走
馬不施郭幕道路掩目三夫人從幸華清會於國忠
第車馬僕從克溢數坊錦繡珠玉鮮華奪目國忠謂
客曰吾本寒家一旦緣椒房至此未知稅駕之所然
終不能致令名不若且極樂耳楊氏五家隊各為一
色衣以相別五家合隊繁若雲錦國忠仍以劍南旌
節引於其前國忠子暄舉明經荒陋不及格禮部侍
郎達奚珣畏國忠遣其子邀國忠馬白之然亦未敢

欽定四庫全書

御批通鑑綱目
卷四十四上

三

落也國忠怒曰我子何患不富貴乃令鼠集覽未知
輩相賣策馬不顧而去珣懼遂置暄上等稅駕
之所李斯傳吾未知所稅駕注稅駕猶解駕得休息
也謂吉凶未知安宿在何處杜甫詩星駕無安稅達
奚番複質實華清宮注見天寶六載
房注見漢昭帝元始四年

以中書舍人宋昱知選事

前進士劉迥遺昱書曰禹稷皋陶同居舜朝猶曰載
采有九德考績亦九載近代主司察言於一幅之判
觀行於一揖之間何古今遲速不侔之甚哉借使周
公孔子今處銓廷考其辭華則不及徐庾觀其利口
則不若嵩夫何暇集覽載采有九德書皋陶曰亦行
論聖賢之事業乎
行采事也亦言其人有德之見於行者有九必言其
行某事某事為可信驗也考績亦九載舜典曰三載

考績三考黜陟幽明蔡氏傳曰三考九載也九載則賢否可見於是黜其幽而陟其明徐庾陵庾信皆陳人不若嗇夫漢文三年登虎園問上林尉禽獸簿尉不能對虎園嗇夫乃喋喋利口從旁代對甚悉

質實 禹稷皋陶舜之三臣名詳見虞書典謨徐陵東海郡人擢之子八歲能文及長博涉史籍從橫有口辨梁太清初為散騎常侍陳大建中為尚書左僕射初代梁凡大檄軍書受禪詔策皆其所製為一代文宗時稱為聰慧之相庾信屏陵人肩吾之子俊邁絕倫博覽羣書尤善左傳仕梁為抄撰學士與徐陵同僚詞並綺艷元帝時以右衛將軍使西魏被留長安後周時為洛州刺史信雖位望通顯常有鄉關之思乃作哀江南賦以致意云

甲午十三載春正月安祿山入朝

欽定四庫全書

御批通鑑綱目卷四十四上

十四

是時楊國忠言祿山必反且曰陛下試召之必不來上使召之祿山即至見上泣曰臣本蕃人陛下寵擢至此為國忠所疾臣死無日矣上憐之賞賜巨萬由是國忠之言不能入矣太子亦言祿山必反上不聽

質實 建武二十七年

加安祿山左僕射

上欲加安祿山同平章事已令太常張垆草制楊國忠曰祿山雖有軍功目不知書豈可為宰相制書若下恐四裔輕唐上乃以祿山為僕射唐初詔敕皆中書門下官有文者為之乾封以後始召文士草諸文辭常於北門候進止時人謂之北門學士上即位始制翰林院密選禁庭延文章之士下至僧道書畫琴棋數術之工皆處之謂之待詔刑部尚書張均及弟垆皆翰林院供奉范氏曰中書門下出納王命之司

以安祿山為閑廐羣牧使

也故詔敕行焉明皇始制翰林而其職始分既發號令預謀議則自宰相以下進退輕重繫之矣豈特取其詞藝而已哉釋老之徒方外之士書畫琴棋數術執伎以事上而不與士齒者也而使與文學之臣雜處非所以育材養賢也上失其制下懷其利為之者不亦可羞哉胡氏曰陟降多士皆當出於中書設有私徇小則詰責大則黜削可也不當疑其事而分其權翰林初置人材與雜流並處其後雜流不入專處忠賢然有天子私人之目內相之稱則非王政設官之體矣王者無私而有私人相無不統而有內相是與大臣自設形迹為**集覽** 翰林院玄宗初置翰林待文學之士號翰林供奉案韋執誼翰林故事翰林院在銀臺門內麟德殿西重廊之後與宸居密邇故杜甫詩曰翰林逼華蓋待詔漢書待詔金馬門注顏師古曰諸以才技徵召之人未有正官故名待詔不與士齒記王制出卿不與士齒注賤也於其鄉中則齒親親也私人之目內相之稱開元末改翰林供奉為學士專掌內命其後選用益重而禮遇益輕至號為內相天子私人凡亢其職者入院一歲則遷知制誥班矣內宴則居宰**質實** 僕射官名注見秦相之下一品之上

始皇三十三年

欽定四庫全書

御批通鑑綱目卷四十四上

十五

祿山求兼領羣牧總監密遣親信選健馬堪戰者數千匹別飼之

書法

其速反既而泣訴帝欲加以平章則復沮之而除僕射然祿山之反愈急矣於是請兼羣牧其欲反可知也從而命之又請以蕃將代漢將其欲反又可知也則又從而命之是借賊兵而資盜糧也然則祿山之反雖忠激之而帝之闇亦甚矣